

vil von Stärke selbiger Leuthen / vnder anderen das man deren gesun- den / welche ein Kürasser zu Pferd / in vollem Rann auff gefange / vnd den- selben mit sampt dem Pferde vber ein hauffen geworffen.

Item so hat Rodamus Gonzaga ein Mantuaner / welcher einer mit- telmäßigen statur vnd Leibs / auch die Huffsens mit Händen zer- rissen. Er nam auch ein Seyl / so dick als ein Manns Arm / zwis- schend beyde Hände / vnd wande selbiges mit solchen Kräfften hin- vnd her / gar ab einander / als wann es mit einem Schwart abgeschnitten wäre. Mehr dergleichen sindt zu finden bey dem Majolo, Colloquio, quarto.

Damit ich aber zu vnseren Helden vnd starcken Leuthen komme / so sollen billich / bey disen ihr Siel vnd gleichsamb den Vorzug haben / bey- de Winkelried von Nnderwalden / als der eine / so in bemeltem Nn- derwalden nit dem Kernwald / den grewlichen Tracken erschlagen / da- mit er vermeint das Vatterland von solcher Pest zuerledigen / vnd vor sich selbst / den Zugang in das Vatterland zuerhalten / das ihn aber wegen des ihme auff die blosser Arm / gefallenen giftigen Tracken Bluts / das Leben gekostet. Der ander aber / Arnold Winkelried / das er nechst Gott / die meiste Brsach / des gewaltigen Sigs gewesen / da die Eydgnoffen / wider Herzog Leopolden von Oesterreich / vor Sem- pach / mit grosser Niderlag das Feld behalten / in demer / ein grossen Hauffen langer Spiessen / so der Adel gegen den Eydgnoffen eingelegt / in die Arm gefasset / dieselben vber ein Seiten getruckt / vnd also den Eydgnoffen ein Zugang / in des Herzogen heer gemacht / welche mit ihren kurzen Wehren sonsten / dem Adel nicht bey kommen vnd die Ordnung hetten brächen können / wie solches alles in vnder schidenlichen Eydgöf- lichen Chronicis zu finden.

Weil aber vil diser Meinung / vnd gleichsamb des gemeinen Mans Sag / als wann obgemelte beyde Winkelrieder / Brüdern gewesen / vnd hergegen wahr soll seyn / was Eitterlin von dem ersten / der den Tra- cken bestritten / in seiner Chronica schreibt / so müssen dise beyde Win- ktelrieder / ein vber auß alten Vatter gehabt haben oder sie beyde / oder auff das wenigste einer von ihnen / sehr alte Leuth gewesen seyn / dann jez gemelter Eitterlin sagt / das vor vilen Jahren / gleich an dem An- fang / als das Land Nnderwalden / erstlich geseübert / vnd bewohnet